

## M A R C H I O N A T U S S V S Æ.

*Marchionatus Susæ* **M**Archionatus *Susæ* ab oppido *Susa*, haud procul fonte *Doriæ* fluvii, qui infra *Turinum* in *Padum* se exonerat. Notat Ammianus lib. 15, Cottiarum Alpium initium esse Segusionem oppidum. Dicit idem Cottii reguli sepulchrum Segusione esse, mænibus proximum. Sunt qui *Susam*, non sine ratione Pedemontanæ regioni adscribunt.

## D O M I N I A.

**D**ominium *Fossigni* prope lacum est *Le-*  
*manum*. In eo esse ferunt *Ripaliam*, *Ri-*  
*paille*, vulgo. Locus est non inacmenus;  
vel eo nomine celebris, quod ibi Amedæus  
VIII, Dux Sabaudiaæ primus, facta principa-  
tum suorum abdicatione, Monachum fuerit  
professus, & in Pontificem Maximum à Con-  
ciliï Basiliensis patribus postulatus contra Eu-  
genium IV, consecratusque ix Calendas Se-  
ptembris, anno ccccxl, & Felix V dictus,  
aliquamdiu egerit, constructis sibi suisque ope-  
ris sumtusque non magni ædificiis. *Fossignii*  
Domini filia *Eleonora* nupsisse legitur Petro  
Comiti Sabaudiaæ sexto. Maria item Amedæi  
IV, Comitis Sabaudiaæ V III ex Brabantina  
filia, locata perhibetur hujus ditionis Dynastæ.  
*Chablaisi* Principatum, qui *Fossinio* versus orientem,  
*Chablais* vulgo, adquisivisse, suisque Domini  
niis adjecisse memoratur Amedæus III, quem  
legitimi hæredes masculi jam defecissent. Ac-  
censent illi quidam *Tononum*, *Evianum*, *Guinga-*  
*num*, & alia. De Dominio, quod vulgo *Val d'Ofsta*,  
Pedemontii scriptores vide. Sunt & alia Sa-  
baudiæ oppida. *Aiguebelle*, ab aquis bellis, ad  
fluvium, qui haud prout inde Archo se jungit:  
*Montbelial*, *Bellay*, *Nicy*, ad lacum cognominem;  
*Montmelian*, *Infilles*, supra Segusionem.

*Regio Bressanensis.* Concenserit solet Sabaudiaæ regio Bressanensis, vulgo *Pays de Bresse*; inter Ararim & Rhodanum fluvios, intercurrente fere Dænio. De

qua latius in tabula ejus particulari.

De Sabaudia hæc notatu digna scribit Papi-  
rius Massonius in elogiis Ducum Sabaudiaæ: Al-  
lobroges, quorum Livius ait Viennam caput  
esse, urbem antiquissimam totius Galliæ, reli-  
cto pridem veteri nomine Delphimates nunc  
quoque appellantur. Et ante Livium Gene-  
vam esse Allobrogum oppidum Cæsar in com-  
mentariis de bello Gallico retulit. Sabaudi au-  
tem sunt Delphinatibus confines populi, per  
quorum agros Isara & Rhodanus clari amnes  
fluunt. Per eam gentem itur ad Cenisium  
montem, qui Galliam ab Italia dividit, sed trans-  
eunda est vallis Mauriana, ibique divi Ioannis  
antiquum oppidum Episcopatu illustre, qui ad-  
huc Viennensi paret. Antiquum autem esse  
neceſſe est, cum Maurianensis Episcopi Grego-  
rius Turonensis Historicus ante annos mille  
mentionem faciat. Quibus regionibus vulgo  
tribuitur Sabaudiaæ nomen, quod recentius ideo  
putamus, quia à nullo veteri historicō usurpa-  
tum conſtat. Sabaudia vero, vel Sapaudia (ut  
habet Chronicon Prosperi Tyronis Aquitani-  
ci) proprie sumta porrigitur ab Isara ad radices  
Catti Montis, in qua duæ sunt urbes, Melianum  
& Camberinum. Sed nunc in usu est, ut extra-  
nei potius quam indigenæ, partem pro toto  
usurpare soleant, & Sabaudiam vocent omnes  
Alpinas gentes sub ditione Ducis positas.



CIVICA BIBLIOTeca  
GIAN LUIGI URRCARU